

## HABEren Prestakuntza Plana 2023/2

EBAZPENA, 2023ko abenduaren 18koa, HABEren zuzendari nagusiarena, HABEren 2023ko Prestakuntza Plana osatzera datorrena.

Azaroaren 25eko 29/1983 Legeak, Helduen Alfabetatze eta Berreuskalduntzerako Erakundea sortu eta euskaltegiak araupetzekoak, HABEri agintzen dio helduen euskalduntzearen sustapena, eta, horretarako, hainbat eginkizun egozteaz gain, helduen euskalduntzean dihardutenen prestakuntzaz eta eguneratzeaz arduratzen du erakundea bere 12. artikuluan.

Era berean, HABEren arau organikoak onartzen dituen 34/1996 Dekretuan, otsailaren 13koan, azaroaren 25/1983 Legean aurreikusitakoan ildotik, HABEren Erregistroan bildutako edo bilduko diren euskaltegiatako irakasleak eguneratu eta etenik gabe hezteko egitasmoen lanketa egotzen dio erakundeari, Hizkuntzaren Didaktika Zerbitzuaren bitartez.

Kultura eta Hizkuntza Politikako sailburuaren 2019ko abenduaren 5eko Aginduak helduen euskalduntzearen esparruan HABEk onartzen dituen prestakuntza-planen ezaugarriak arautzeko eta prestakuntza-jardueren homologazio-betekizunak ezartzen ditu.

HABEren Prestakuntza Aginduaren 2. artikuluan zehaztutakoaren arabera, HABEk helduen euskalduntzearen esparruan onartuko dituen prestakuntza planen xedea da erakunde honek azaroaren 25eko 29/1983 Legeak eta lege hori garatzeko onartu diren xedapenetan ezarritakoaren babesean garatu behar duen Prestakuntza-arloko jardueraren lerro estrategikoak zehaztea, eta urtez urteko prestakuntza-jarduerak antolatzeko gidalerroak aurreikustea. Era berean, Aginduaren 6. artikuluan ezartzen da HABEk, dagokion prestakuntza-planaren egituraren baitan, antolatutako prestakuntza-jarduerak urtero onartuko dituela HABEren zuzendariak Hizkuntzaren Didaktika Zerbitzuaren proposamenez.

Lan-eginkizunak eraginkortasunez betetzeko, funtsezkoa da prestatzea edozein lan-arlotako teknikari eta adituentzat, eta, horregatik, helduen euskalduntzean diharduten langileek ere etenik gabe dute prestatu beharra. HABE erakundearen berebiziko garrantzia du prestakuntzak, eta, ondorioz, arreta berezia eskaini izan zaio helduen euskalduntzean diharduten profesionalen prestakuntzari HABEren sorreratik beretik, nabariak baitira hizkuntzen irakaskuntzan aldi-aldi gertatzen diren aldaketak: ikasleriaren profila, ingurune soziolinguistikoa, aurrerapen teknologikoak, ekarpen berriak arlo akademikoan, etab.

Helduen euskalduntzean diharduten langileen prestakuntzaren baitan dago, neurri handi batean, euskararen ikaskuntza-irakaskuntza prozesuen berritzea, garatzea eta etenik gabe hobetzea.

Testuinguru honetan, euskalduntzearen indarguneen eta ahulezien analisiak ikuspegi dinamikoak izatea dakar berekin, eta, Prestakuntza Plana tresna bizia denez, osatu egin da HABEren zuzendari nagusiak 2023ko maiatzaren 16ko Ebazpen bidez onartutako 2023ko Prestakuntza Plana, behar berriak atzeman baitira.

Horren arabera, honako hau

## EBAZTEN DUT

1. HABEren 2023/2 Prestakuntza Plana onartzea, Ebazpen honetako eranskinean dauden zehaztapenen baitan.
2. Prestakuntza Plan hau zabalik geratzea irakasleen behar-premien araberrako ikastaro berrietara.

Donostian, 2023ko abenduaren 18an

HABEren zuzendaria  
JOKIN AZKUE ARRASTOA

## I.ERANSKINA

### HABE-REN 2023/2 PRESTAKUNTZA-PLANA

Kodea	Izenburua	Irakasleak	Iraupena	Noiz-non
1231	Una aproximación al uso de la inteligencia artificial en enseñanza-aprendizaje de lenguas	Iñaki Murua	3	2023/06/23 Deustuko Unibertsitatea- Bilbon
	<a href="#">Ahoskeraren lanketa didaktikoa 2023/2024 ikasturte akademikoaren hasiera-ekitaldian hitzaldi nagusia</a>	Lourdes Oñederra	1,5	Euskalduna Bilbao Jauregian 2023/09/15
1232	<a href="#">Jardun biko helduen euskalduntzean (I): 2023-2024 ikasturtea (2. edizioa)</a>	Ana Rodríguez eta Fidel Vegas	40	Online 2023/10/05 – 2023/11/05 (asinkronoa)
1233	<a href="#">Jardun biko helduen euskalduntzean (II): 2023-2024 ikasturtea (2. edizioa)</a>	Ana Rodríguez eta Fidel Vegas	40	Online 2023/11/16 – 2023/12/20 (asinkronoa)
	Bitartekotza dela-eta, C2 mailako irakasleentzako web-mintegia	Mikel Hoyos	2	Online 2023/11/22 (sinkronoa)
	Arbel digitalaren erabilera didaktikoari buruzko web-mintegia	Nerea Amesti	2	Online 2023/12/12 (sinkronoa)